

LETTI per VOI

SAGHE
Sengar e il numar 1089

C heste volte il professôr Rinalt Arcjan al cjate sun-tun bancut di Londre, te mitiche Portobello road, une letare datade 1864 e firmade di Giuseppe Mazzini, indreçade al miedi garibaldin di Codroip, Rico Matie Zuzzi, un dai nons dal Risorzi-ment furlan. La scuvierte e ven condividue cul ami Saveri Sengar, anticuari di Udin, che le studie e le analize. E cussi, pai doi amîs, a scomencin i problemis. «Il numar 1089» e je une des storiis de saghe «Cronachis di Saveri Sengar» che il scritôr Franco Marchetta al à vinçût il premi leterari in lenghe furlane «San Simon 2011» di Codroip; chê altre e je «Achì no ai viodût une pavee». Il toc di cjarte cjatât dal professôr al à un clâf, un messaç in codiç par cualchidun. Sengar lu capis scuasi subite, par vie che la letare no i pâr originâl. E in grazie a un dai siei in-siums. L'anticuari, di fat, al à la pussibilitât di spostasi tai lûcs e tai timps, di riviodi personaçs, storiis, e vicendis. Intun di chescj viaçs, al incuintre Garibaldi e il stes Zuzzi, a Quarto, prime di partî cui Mil. Nol larà dut a plomp. I doi a saran secuestrâts dai servizis segrets inglês e a finaran tal mieç di un trafic di prostitudis, gjestît de mafie russe. Il romanç al zuie sui salts temporâi tra îr e vuê, ma cence discontinuitât e anzit dant un ritmi ae conte che e je ple-ne di ce che mancual tu ti spietis. Il test po dopo al è insiorât di riferiments leteraris. Scrit verementri ben.



IL NUMAR 1089 - CRONACHIS DI SAVERI SENGAR, di Franco Marchetta, Forum Editrice, Udine 2012, pp. 104, euro 16

O.P.

